

Morning Dogri (NSD) National News Bulletin 10-07-2025

आकाशवाणी

- प्रधानमंत्री नरेन्द्र मोदी होरें आखेआ ऐ जे अफ्रीका गी छड़ा, कच्चे माल दे इक जरिये दे तौर पर नेई सगुआं टिकाउ विकास दी अगुवाई करने आहले महाद्वीप दे तौरा पर दिखेआ जाना लोड़चदा ऐ।
- प्रधानमंत्री नरेन्द्र मोदी होरें 5एं मुल्लखें घाना, त्रिनिदाद ते टोबैगो, अर्जेन्टीना, ब्राजील ते नामीबिया दा अपना दौरा कामयाबी कन्नै संपन्न करी लैता ऐ।
- गृह मंत्री अमित शाह होर अज्ज रांची च 27मीं पूर्वी क्षेत्रीय परिषद दी बैठका दी अध्यक्षता करडन।
- भारती मौसम विभाग नै मध्य प्रदेश, छत्तीसगढ़ ते विदर्भ लेई अगले द'उं दिनें दरान भारी बरखा बरने दा ऑरेंज अलर्ट जारी कीता ऐ।
- विंबलडन च मर्दे दे सिंगल्स सेमीफाइनल च 24 बारी दे ग्रैंड स्लैम विजेता सर्बिया दे नोवाक जोकोविच दा मुकाबला दुनिया दे पैहले नम्बरै दे खड्गदारी इटली दे यानिक सिनर कन्नै होग।
- महिला क्रिकेट च, भारत नै 5 टी20 मैचें दी श्रृंखला दे चौथे मैच च इंग्लैंड गी 6एं विकेटें कन्नै हराइयै श्रृंखला 3-1 कन्नै अपने नांS करी लैती ऐ।

<><><><><><>

PM-Namibia Visit

प्रधानमंत्री नरेन्द्र मोदी होरें आखेआ जे नामिबिया अफ्रीका गी छड़ा कच्चे माल दे स्रोत दे तौरा उप्पर नेई दिखेआ जाना चाहिदा सगुआं उसी उेसे महाद्वीप दे तौरा उप्पर दिखना चाहिदा जेहड़ा गुणवत्ता सृजन ते लगतार बधने आली बक्खी दी बगुवाई करै। नामिबिया संसद गी संबोधत करदे होई श्री मोदी होरें अफ्रीकन यूनियन दे 2063 आले अजेडे आस्तै भारत दे मजबूत साथ गी परतियै दोहराया ते खास करियै उंदे उद्योगीकरण मकसद गी लेइयै बी एह गल्ल दोहराई। उनें आखेआ जे भारत कुल संसारी दक्खन यानि के ग्लोबल साउथ बारे बड़ी मती चिंता करदा ऐ ते कन्नै इस गल्ल पर जकीन करदा ऐ जे असें संसार कन्नै किट्ठे तरक्की करनी चाहिदी ना के इक्कले।

श्री मोदी होरें एह गल्ल बी आखेआ जे भारत-अफ्रीका सांझ भ्याली दी असली भावना उंदी सांझी तरक्की ते सांझे मकसद च ऐ। श्री मोदी होरें इस गल्लै दा भरोसा दोआया जे भारत अफ्रीका च खेत्तरीय हुनर, खेत्तरीय रोजगार गी पैदा करने ते खेत्तरी नवाचार गी प्रोत्साहित करने च उत्थें लगातार निवेश करदा रौहग।

<><><><><><><>

PM Tour Concludes

प्रधानमंत्री नरेन्द्र मोदी होरें 5एं मुख्यें घाना, त्रिनिदाद ते टोबैगो, अर्जेन्टीना, ब्राजील ते नामीबिया दा अपना दौरा कामयाबी कन्नै संपन्न करी लैता ऐ। उं'दे इस दौरे दे अखीरले चरण तैहत भारतते नामीबिया नै प्रधानमंत्री नरेन्द्र मोदी हुंदी मजूदगी च द'उं सैहमति पत्तरें पर दस्तख्त कीते न। इंदे चा इक समझौता नामीबिया च उद्यम-कारखानादारी सरबंधी विकास केद्र खडेरने ते दुआ सेहत ते दोआइएँ दे खेत्तर च साथ-सैहयोग बधाने दे बारै च कीता गेआ ऐ। श्री मोदी हुंदे इस दौरे दरान त्रै बड्डी घोषणां बी कीतीआं गेइयां न। इंदे चा इक घोषणा इस ब'रे नामीबिया च डिजिटल भुगतान प्रणाली शुरु करने ते भारत दी अगुवाई च कीती जा'रदी आलमी सतह दिएं पैहलकदमिं च नामीबिया गी बी शामिल करने मतल्लक ऐ।

<><><><><><><>

HM EZC Meet

गृह मंत्री अमित शाह होर अज्ज रांची च 27मीं पूर्वी क्षेत्रीय परिषद दी बैठका दी अध्यक्षता करडन। बैठक च झारखंड, बिहार, ओडिशा ते पच्छिम बंगाल दे 70 प्रतिनिधि हिस्सा लैडन। बैठक च ओडिशा दी अगुवाई मुख्यमंत्री मोहनचरण मांझी, उपमुख्यमंत्री पार्वती परिदा, मंत्री मुकेश महालिंगम, जिसलै के बिहार दी अगुवाई उपमुख्यमंत्री सम्राट चौधरी ते पच्छिम बंगाल दी नुमाइंदगी उत्थुं दे मंत्री चंद्रिका भट्टाचार्य होर करडन। झारखंड दा प्रतिनिधित्व मुख्यमंत्री हेमंत सोरेन, मुख्य सचिव, गृह सचिव, पुलस महानिदेशक ते होर दुए सरबंधत अधिकारिं आसेआ कीता जाहग। बैठक दे एजेंडे च बिहार, ओडीशा ते पच्छिम बंगाल बशकार बकाया पेदे मामलें उप्पर चर्चा करना ते एह्दे शा पैहले आहली बैठकें दरान लैते गेदे फैसलें दी समीक्षा करना बी ऐ।

<><><><><><><>

Gujrat CM

गुजरात दे मुख्यमंत्री भूपेन्द्र पटेल होरें कल बड़ोदरा जिले दे पट्टा दे कोल इक पुल दे ढोहने सरबंधी जांच दा हुक्त दित्ता ऐ। जेह्दे च 9 लोकें दी मौत होई ही ते केई होर बी जख्मी होए हे। प्रधानमंत्री नरेन्द्र मोदी होरें इस हादसे च जान मोआने आले लोकें प्रति बसोस प्रगट कीता ऐ। उनें इस हादसे च मरने आले लोकें दे परोआर आलें गी 2—2 लक्ख रपे दी सिद्धी सहायता प्रधानमंत्रर राष्ट्रीय राह्त फंड थमां देने दी घोषणा कीती ऐ।

<><><><><><>

IMD

भारती मौसम विभाग नै अगले दऊं दिनें लेई मध्य प्रदेश, छत्तीसगढ़ ते पिटर्भ च बिजली चमकने ते गरजने दे कन्नो कन्नी भारी बरखा बरने गी लेइयै ओरेंज अलर्ट जारी कीता ऐ। मौसम विभाग नै देसा दे उत्तरी ते पूर्वी हिस्से च भारी थमां दरमेयानी दर्जे दी बरखा दा अनुमान लाया ऐ। एह्दे च जम्मू कश्मीर, पंजाब, हरियाणा, चंडीगढ़, हिमाचल प्रदेश ते पूर्वी उत्तर प्रदेश शामिल न जित्थें नेह् हालात बनी सकदे न। इस्सै चाल्ली इस म्हीने दी 15 तरीक तगर पूर्वी राजस्थान, उत्तरखंड च नेही स्थिति बने रौहने दी संभावना ऐ।

<><><><><><>

Trump Tariff

अमरीकी राष्ट्रपति डोनाल्ड ट्रंप होरें 8 मुल्खें ब्राजील, श्रीलंका, अलजिरिया, ईराक, लीबिया, फिलीपीन्स, मोल्दोबा ते ब्रुनेई थमां आयात पर नमें सिरिया टैरिफ लाने दी घोषणा कीती। एह् टैरिफ पैहली अगस्त ळामां लागू होंगन। ब्राजील गी एह्दे च सब्बने शा मता 50 फीसद शुल्क देना होग।

<><><><><><>

US Sanctions - UNHRC

अमरीका नै संयुक्त राष्ट्र दे मनुक्खी अधिकारें सरबंधी काउंसल दी बशेश दूत फ्रांसेस्का अल्बानीज़ पर बंदिशा लाई दित्तिआं न। एह् बंदिशां अमरीकी ते इज़राइल दे बसनीकें पर मुकदमा चलाने दे अंतर्राष्ट्रीय आपराधिक अदालत दे जतनें दा समर्थन करने लेई लाये गे न। अमरीका दे बदेश मंत्री मार्को रुबियो होरें दस्सेआ जे फ्रांसेस्का अल्बानीज़ पर अमरीकी ते

इजराइली अधिकारियों, कंपनियों ते कर्मचारियों खलाफ अंतरराष्ट्री आपराधिक अदालतै दी कार्रवाई लेई प्रेरित करने दे उं'दे गैर—मनासब जतनें लेई बंदिशां लाइयां जा'रदिआं न। श्री रुबियो होरें गाजा च इजराइल दी फौजी कार्रवाइयें दी निदेआ करने आहली अल्बानीज़ पर संयुक्त राष्ट्र च अपने औहद्धे मूजब कम्म नेई करने पर अयोग्य होने दा बी आरोप लाया।

<><><><><><>

Delhi Airport

दिल्ली—एनसीआर क्षेत्र च भारी बरखा दे चलदे दिल्ली अंतराष्ट्रीय ब्हाई अड्डे दे यात्रुएं लेई इक एडवाइजरी जारी कीती ऐ। एह्दे च उनेंगी आखेआ गेआ ऐ जे ओ ब्हाई अड्डे तगर पुज्जने ते संभावित चिर लगने थमां बचने लेई दिज्जी मैट्रो सनें गडिडएं दे वैकल्पिक तरीके पर सोच बचार करी लैन। दिल्ली ब्हाई अड्डे सरबन्धी अधिकारिएं आखेआ ऐ जे डोआरिएं दी ताजा तरीन जानकारी लेई मुसाफरें गी सलाह दित्ती जंदी ऐ जे ओह अपनी अपनी एयर लाइंस कन्ने राबता करन। इक एडवाइसरी च आखेआ गेआ ऐ जे इसलै दिल्ली ब्हाई अड्डे पर सब्बने डोआरिएं आली गतिविधियां सामान्य न।

<><><><><><>

Wimbledon Tennis

विंबलडन च, मर्दे ते महिलाएं दे सिंगल्स सेमीफाइनल तय होई गे न। मर्दे दे सिंगल्स सेमीफाइनल च 24 बारी दे ग्रैंड स्लैम विजेता सर्बिया दे नोवाक जोकोविच दा मुकाबला दुनिया दे पैहले नम्बरै दे खड्ढारी इटली दे यानिक सिनर कन्ने होग। सेमीफाइनल च सिनर ने अमरीका दे बेन शेल्टन गी हराया जिसलै के जोकोविच ने इटली दे फ्लावियो कोबोली गी शिकस्त दित्ती। जोकोविच ने स्विटजरलैंड दे रोजर फेडरर गी पछाड़ लांदे होई रिकॉर्ड 14मीं बारी विम्बलडन सेमीफाइनल च थाहर बनाई ऐ। दुए सेमीफाइनल च मजूदा चैम्पियन स्पेन दे कार्लोस अल्कराज दा मुकाबला अमरीका दे टेलर फ्रिट्जा कन्ने होग। महिलाएं दे सिंगल्स सेमीफाइनल च एरिना सबालेंका दा मुकाबला अमरीका दी अमांडा एनीसिमोवा कन्ने होग। दुए सेमीफाइनल च दुनिया दी पैहली नम्बरै दी खड्ढारन पोलैंड दी इगा स्वियाटेक दा मुकाबला स्विटजरलैंड दी बेलिंडा बेनचिच कन्ने होग।

<><><><><><>

Cricket

क्रिकेट च भारतीय महिला टीम नै कल रातीं अमीरात ओल्ड ट्रैफर्ड च चौथे टी-20 अंतराष्ट्रीय मैच च मेजबान इंग्लैंड गी 6 विकेटें कन्नै हराई दित्ता।

<><><><><><>